

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Art. I. Utrum lex vetus, bona, utilis, ac perfecta fuerit?

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

- quia nimis lex non obligat, nisi juxta voluntatem legislatoris, a quo fertur; neque continuat obligationem, nisi perseverante moraliter eadem voluntate: At qui cessante tota & integrâ ratione propter quam legem tulerit, non perseverat moraliter voluntas obligandi: Ergo cessante tota illâ ratione, lex non amplius obligat. Major patet, Minor probatur, quia legislator non habuit voluntatem obligandi, nisi dependenterab illa ratione, & propter illam; sive aetus aliquin habeat intrinsecam bonitatem, sive non: At cessante ratione motivâ, vel causa finali propter quam aliquid volumus, definitio illud velle, cum impossibile sit stare actum voluntatis sublato ejus objecto formaliter: Ergo cessante tota & integrâ ratione propter quam legislator legem tulerit, & voluit eam obligare, cessat quoque voluntas obligandi.
27. Confirmatur: Si lex praecipiat jejunium semel in hebdomada ad Deum placandum propter aliquam necessitatem publicam, cessante publicâ necessitate cessat obligatio jejunij, quamvis citra illam necessitatem jejunium sit actus virtutis habens bonitatem & honestatem intrinsecam temperantia: Ergo quamvis lex praecipiat actum intrinseco bonum, si tamen cessat causa ad aquata legis, seu tota ratio motiva propter quam fuit lata, cessat ejus obligatio.
28. Dixi cessante causa adequatâ, quia si lex lata fuit ob plures causas, cessante unâ, modo non cessent aliae propter quas lata est, non cessat obligatio legis. Sicut quia lex baptismi lata est non solum ad tollendum originale, sed etiam ad consignandum hominem Christianâ Religioni, eumque à ceteris sectis distinguendum, & reddendum idoneum & capacem ad reliqua Sacraenta suscipienda; tamen prima causa cessaret, & peccatum originale per sanctificationem in utero matris est sublatum, nihilominus adhuc lex baptismi propter alias causas, propter quas lata est, obligaret.

DISPUTATIO XI.

De lege Divina veteri.

Ad questionem 98. D. Thome usque ad 105.

HAc tenus de lege humana fuse differimus, nunc agendum nobis est de lege Divina positiva, cuius necessitatem demonstrat S. Thomas supra quest. 91. art. 4. ubi quatuor assignat rationes, cur lex Divina ultra naturalem & humanam necessaria fuerit.

Primo, inquit, quia per legem dirigitur homo ad actus proprios in ordine ad ultimum finem. Et siquidem homo ordinaretur tantum ad finem qui non excederet proportionem naturalis facultatis hominis, non oportet quod homo haberet aliquid directivum ex parte rationis supra legem naturalem, & supra legem humanitatis positam, que ab ea derivatur. Sed quia homo ordinatur ad finem beatitudinis aeternae, quæ excedit proportionem naturalis facultatis humanæ; ideo necessarium fuit, ut supra legem naturalem & humanam dirigatur etiam ad suum finem, legem divinitutis, datam. Secundo, quia propter incertitudinem humani judicij, præcipue de rebus contingentibus & particularibus, contingit de actibus

A humanis diversorum esse diversa iudicia, ex quibus etiam diversa & contraria leges procedunt. Ut ergo homo absque omni dubitatione scire possit, quid ei sit agendum, & quid virandum, necessarium fuit, ut in actibus propriis dirigeretur per legem divinitutis datum, de qua constat quod non potest errare. Tertiò, quia de his potest homo legem facere, de quibus potest judicare: iudicium autem hominis esse non potest de interioribus motibus, qui latent, sed solum de exterioribus actibus, qui apparent, & tamen ad perfectionem virtutis requiritur, ut in utrisque actibus homo rectus existat; & ideo lex humana non potuit cohibere & ordinare sufficienteriores actus, sed necessarium fuit quod ad hoc supervenire lex Divina. Quartò quia lex humana non potest omnia, quæ male sunt, punire, vel prohibere, quia dum auferre vellit omnia mala, sequeretur quod etiam multa bona tolerentur, & impeditur utilitas boni communis, quod est necessarium ad conversationem humana: ut ergo nullum malum improbitum & impunitum remaneat, necessarium fuit supervenire legem divinam, per quam omnia peccata prohibentur.

Licet vero lex divina variè dividiri possit, communis tamen eius divisio est in veterem, quæ à tempore Moysis usque ad Christi passionem & mortem inter Israhilites viguit; & novam, quæ à Christo data & instituta usque ad consummationem saeculi perseverabit. De utraque sigillatim & breviter differendum, & primò de lege veteri, quæ legis novæ & Evangelicæ typus & figura fuit. Unde sit.

ARTICULUS I.

Vtrum lex vetus, bona, utilis, ac perfecta fuerit?

S. I.

Prima pars questi resolvitur.

Augustinus cap. 1. & 46. libri de heresisibus referat Manichæos & Marcionistas, cum duo summa principia invexissent, unum bonorum, alterum vero malorum, credidisse legem veterem malam esse, & à malo principio conditam; novam vero à bono profectam, subinde que optimam ac perfectam. Ut hic error refellatur, & veritas Catholica stabiliatur:

Dico primò, legem veterem fuisse bonam, & sanctam.

Probatur, quia Deus fuit legis illius Author, ut ostendemus articulo sequenti: Ergo non potest esse nisi bona & sancta, sicut ipse bonus & sanctus est. Unde Apostolus ad Roman. 7. Lex quidem sancta, & mandatum sanctum, & iustum, & bonum. Ubi mandatum legis Mosaica dicitur sanctum propter præcepta ceremonialia; iustum propter judicialia; bonum propter moralia, ut notat D. Thomas h[ic] qu. 99. art. 4. Conclusio magis patebit solutione objectionum, & explicatione locorum Scripturarum, quibus legem illam malam fuisse insinuaris videtur.

Obicitur ergo primò: Ezechielis 20. dicitur: Dedi eis præcepta non bona, & iudicia in quibus non vivent: Sed lex non dicitur bona, nisi propter

pter bonitatem præceptorum quæ continet: A *impetus vehementior sit obice opposito; neficio enim, quomodo hoc ipsum quod concupiscitur, sit iucundius, cum vetatur.* Et Chrysostomus homil. 12. in epist. ad Romanos: *Cum quidam concupiscimus, deinde prohibemur, concupiscentia flamma magis attollitur.* Subdit ibidem, hanc concupiscentiae irritationem, non esse vertendam virtutem legi, sed homini. *Lex (inquit) prohibuit, ut te ab eo abducas, peccatum vero, id est segnitias tua, & mens mala, bona in contrarium usque est; verum non id medici crimen, sed egrot, qui quod accepit medicamentum, eo non ergo usus est; non enim ob id legem Deus dedit, ut concupiscentiam accenderet, sed ut resinguaret, &c.*

3. Respondet S. Thomas hic art. 1. ad 1. quod Dominus loquitur ibi de preceptis ceremonialibus, quæ quidem dicuntur non bona, quia gratiam non conferabant, per quam homines à peccato mundarentur, cum tamen per huiusmodi se peccatores offendere, unde signanter dicitur: *Et iudicata in quibus non vivent, id est per quæ vitam gratiam obtinere non possunt.* Secundò responderi potest, per illa præcepta non bona Ezechiel 20. non intelligi legem Mosaicam, sed præcepta hominum non bona, & iudicia iniqua, & superstitiones ab illis introductæ: quæ omnia Deus dicitur dedisse, id est dari permisisse, in poenam transgressionum legis sua. Hunc enim esse verum iustius loci sensum, patet ex præcedenti versu 10. & 11. ubi Deus sic loquitur: *Ejeci ergo eos de terra Ægypti, & eduxi eos in desertum. Et dedi eis præcepta mea, & iudicia mea offendere, quæ faciens homo vivet in eis. Insper & sabbatha mea dedi eis, &c.* Ubi per sabbata intelligit præcepta ceremonialia, & per iudicia, præcepta judicialia. Tum addit versu 3. *Et iterum avertim me domus Israel in deserto, in præceptis meis non ambulaverunt, & iudicia mea proceperunt, quæ faciens homo, vivet in eis;* & sabbatha mea violaverunt vehementer, &c. Ac denique subiungit versu 25. & 26. se in poenam harum transgressionum dedisse eis, id est, permisisse dari, præcepta non bona, &c. alia scilicet à præcedentibus, neque à Deo, sed ab hominibus imposta. Ergo & ego dedi eis præcepta non bona, & iudicia in quibus non vivent, &c.

5. Objicitur secundò: Ad bonitatem legis pertinet, ut communi saluti proficiat: Sed lex vetus non fuit salutifera, sed magis mortifera, & nociva; dicit enim Apostolus ad Romanos 7. *Sine lege peccatum mortuum erat, ego autem vivebam sine lege aliquando;* sed cum venisset mandatum, peccatum revixit, ego autem mortuus sum. Et 2. ad Corinth. 3. *Littera occidit, spiritus autem vivificat,* ubi nomine litteræ legem intelligit. Item ad Roman. 5. dicitur: *Lex subintravit, ut abundaret delictum:* Ergo lex vetus non fuit bona.
6. Respondeo cum S. Thoma hic art. 1. ad 2. quod lex dicitur occidere, non quidem effectivè, sed occasionaliter ex sua imperfectione, in quantum scilicet gratiam non conferebat, per quam homines implere possent quod mandabat, vel vitare quod vetabat, & sic occasio ista non erat data, sed sumpta ab hominibus; unde & Apostolus ibidem dicit: *Occasione acceptum peccatum per mandatum seduxit me,* & per illud occidit. Ex hac etiam ratio dicitur, quod lex subintravit, ut abundaret delictum, ut ly ut teneatur consecutivè, non causaliter, in quantum scilicet homines accipientes occasionem à lege, abundantius peccaverunt; tum quia gravius fuit peccatum post legis probationem; tum etiam quia concupiscentia crevit, magis enim concupiscentiam quod nobis prohibetur.

7. Similia docent sancti Patres: Augustinus enim de spiritu & littera cap. 4. quarens cur lex vetus dicatur à Paulo occidere? Responderet, legem dici occidere, quod Spiritus vitam, id est gratiam, vi sua largiri nequirit, & concupiscentiam prohibendo augeret. *Doctrina (inquit) quæ mandatum accipimus, littera est occidens, nisi adhuc vivificans spiritus;* ubi Sanctus non adiuvat Spiritus, inspirans pro concupiscentia mala, concupiscentiam bonam, id est charitatem. Lex illa, quamvis bona, auger prohibendo desiderium malum fecit aqua.

Tom. III.

8. Objicitur tertio: Ad Hebreos 8. dicitur veritus testamentum culpam non vacasse: *Si prius (testamentum) culpam vacasset, non utique secundi locus inquireretur.* Ergo ex Apostolo lex vetus mala fuit & culpabilis.

Respondeo prius, culpam eo loco non sumi pro peccato, sed pro imperfectione, defectu, & infirmitate; ideoque quando Apostolus dixit, prius testamentum culpa non vacasse, tandem voluit ipsum testamentum imperfectum fuisse, & habuisse aliquem defectum, eo quod gratiam non conferret, ad perfectum non adduceret, & ad æternam salutem immediate suos observatores non eveneret.

Respondeo secundò, si nomen culpæ pro reatu peccati sumatur, sensu Apostoli est, si vetus testamentum culpam in seipsa, sed non vacasse culpam in suis subditis qui eam sepe transgrediebantur, quibusve gratiam viua non dabat ad non transgrediendum, neque culpam transgressionis abolebat vi sua, & ex propriis. Propter quod etiam cap. 7. ejusdem epistolæ ad Hebreos, ait Paulus: *vetus illud mandatum, propter infirmitatem ejus, & inutilitatem, id est ineficaciam, reprobatum fuisse.*

D. Objicitur quartò: Lex ut sit justa & bona, 11. debet esse possibilis ad observandum, & secundum naturam, & secundum humanam consuetudinem, ut supra ex Isidoro vidimus: Sed hoc non habuit lex vetus, ut donat ex illo Petri Act. 15. *Quid tentatis imponere jugum super cervicem discipulorum, quod neque nos, neque Patres nostri portare potuimus?* Ergo lex vetus non fuit justa & bona.

Respondeo, concessâ Majori, negando Minorem, lex enim Mosaica fuit quidem difficultis, non tamen impossibilis; Dei enim gratia Iudei non desuit, quâ illam adimplere possent, tamen gratiam non daret lex ex propriis, sed ex misericordia Christi venturi conferret. Erat autem difficultis, si conferatur cum lege Evangelica, quâ est facilitior; quia nimis lex Mosaica data fuit Iudeis, qui erant in statu servorum; lex Evangelica data est Christianis, qui sunt in statu filiorum; servorum autem conditio difficultior est quam filiorum.

E. Objicitur quinto: Lex illa mala est, quæ præcipit aut permitit aliqua mala, & à recta ratione aliena: Sed talis erat lex vetus, præcepit enim vel saltē permittebat. Levit. 19. odium inimicorum; unde Christus Matth. 5. dicebat Discipulis suis: *Auditis quia dictum est: Diliges proximum tuum, & odio habebis inimicum tuum;*

CCCC

tuum:

rum: Ego autem dico vobis, diligitе inimicos vestros. Item Deuteronom. 21. permittitur uxorum pluralitas his verbis: Si habuerit homoplures uxores, &c. & cap. 23. permittitur usura circa alienigenas, & libellus repudii cap. 24. Quæ omnia repugnant legi naturali & recte rationi, ideoq; fuerunt per Christum sublata.

14. Respondeo, concessa Majori, negando Minorem, & ad primam illius probationem dico, falsò supponi oditum inimicorum, præcipi Levi-tici 19. Ibi enim sic dicitur: Non quares ultionem, nec memori eris injurie civium tuorum. Ad id vero quod dicitur Matth. 5. varii varia responderent. Quidam enim affirmant, lictum fuisse apud Judæos odio prosequi inimicos legales, præ Hethæos, Amorrahæos, Philistinos, & reliquos, cum quibus nunquam ex lege pacisci poterant, non tamen privatos & particulares. Alii docent, hac verba fuisse permissiva: quatenus Judæis aliqua, quæ cum lege naturæ pugnabant, ad duritiam cordis permittebantur. Alii probabilius dicunt, hæc verba Matth. 5. Auditis quia dictum est antiqui, &c. tantum arguere interpretationem quorundam Rabinorum deducunt ex iis Scriptura locis, in quibus habetur: Diliges amicum tuum, ex quo per falsam illationem à contrariis inferebant: Ergo odio habendus est inimicus. In hac autem illatione fallabantur, tum quia vox Hebraica, לְרֵאכָה, quæ habetur Levit. 19. vers. 18. significat sodalem, familiarem, socium; unde notat Mercerus in Thesauro Pagnini, quod in novo Testamento vertitur proximus, qui alteri scilicet animo con-junctus est. Igitur non præcisè amicum significat, sed quemcumque proximum; quilibet autem homo, sive amicus, sive inimicus, propter naturæ communitatem, est noster proximus. Tum etiam, quia cum odium inimici sit intrinsecè malum, prænecque cum illo legis naturæ principio: Quod tibi fieri non videtur ne feceris, & lex naturalis per legem a Moysi scriptam non esset abrogata, eorum Rabinorum illatio & interpretatione non poterat non esse falsa, & à vero Scriptura sensu penitus aliena.

Ad secundam probationem dicendum, Deum in veteri lege dispensasse cum Judæis, ut plures haberent uxores, & ut per libellum repudi possent uxores dimittere, & alias inducere. De quo fusi in Tractatu de matrimonio disp. 1. & 5.

Ad tertiam respondentis aliqui, Deum tanquam supremum Dominum omnium bonorum dedisse Israëlitis ius accipendi aliquid supra fortē ab alienigenis, subindeque Judæos formerrando nullam commississi injuritiam. Sed melius respondet cum D. Thoma 2.2. quælibet 78. art. 1. ad 2. usuram erga alienigenas non fuisse approbatam, aut permisam in veteri lege, sed tantum impune toleratam pro foro externo & non interno; quemadmodum in Republica minorâ mala, ad vitanda majora, interdum impune à Principibus & Magistratibus tolerantur.

Objicitur sexto: Lex vetus bonorum temporalium abundantiam Judæis promittebat, ut constat ex illo Deuteronom. 28. Sicut data mea ob-servaveris, benedictus es in agro, in civitate egrediens & ingrediens: Sed rerum temporalium abundancia, periculosa & nociva est ut plurimum; qui enim prius sunt in divitiis, sapienter in virtute, ut inquit Salvianus de providentia. Cui consonat filius Poëta:

Efodiuntur opes irritamenta malorum.

A Unde ab ea abhorruit Salomon, cùm petierit à Domino, Divitias neque paupertatem dederis mihi: Ergo lex vetus mala & nociva observatoribus suis promittebat & conferebat, subindeque bona non erat.

Respondeo, concessa Majori, negando Minorem; abundantia enim rerum temporalium, solidum nociva est, quando in divitiis tanquam in ultimo fine conquefscimus; sed si iis cum moderatione utamur, & cor ab illis abstrahamus, earum abundantia ad salutem utilis esse potest. Unde Augustinus de divitiis loquens, sic ait: Si fuerint supra nos, demergent nos; si fuerint infra nos, attollent nos.

S. II.

Statuitur secunda conclusio, & legis veteræ utilitas declaratur.

D Ico secundò, legem veterem non solum fuisse bonam, sed etiam utiliē.

Probatur conclusio exponendo varias legis 17. hujus utilitates. Prima est, quod per eam cognoscant homines se esse peccatores, juxta illud Apostoli ad Romanos 3. Per legem cognitio peccati, & cap. 7. Peccatum non cognovi nisi per legem: Hæc autem cognitio non potuit non esse illis valde utilis & proficia; sicut enim via ad recuperandam sanitatem, est cognitio sua infirmatis; ita via ad gratiam justificantem, est cognitio sui peccati.

Hinc oritur secunda utilitas legis, cùm enim C viderent Judæi se esse peccatores, & indigere Christo Redemptore, coepérunt eum summo desiderio expectare, ut patet ex illo Psalmi 145. Domine inclina cœlos tuos & descendere Isaia 64. Utinam disrumpes cœlos, & descenderes. Et iterum: Rorget cœli desuper, & nubes pluant justum. Et Cantus 1. Osculetur me osculo oris sui. In quæ verba, in persona Israëlitarum, præclarè ait Doctor mellifluus: Non loquatur mihi Moses, siquidem imperitorius lingua: & factus est mihi: Jeremias nescit loqui, quia puer est; Isaia labia immunda sunt; omnes Propheta clingues sunt: ipse ipse, quem loquuntur, osculetur me osculo oris sui. Hanc utilitatem brevissimè complexus est D. Augustinus libro de spiritu & littera, cap. 19. cùm ait: Lex data est, ut gratia quereretur; gratia data est, ut lex impleretur.

Tertia utilitas est, quod Judæi per legem Mosiacam, non tantum cognoscabant se esse peccatores, & indigere gratiâ Christi, ut jam datum est, sed etiam pauperrim disponebantur & eruditabantur ad altiorem Christi doctrinam suscipiendam, unde ad Galatas 3. Lex Pedagogus noster fuit in Christo. Præsertim vero, quia talis lex proponebat illis umbras, figuræ, involucra, sub quib; Christus promittebatur. Proponebat, inquam, cruenta animalium sacrificia, ut inde aliturgeter ad investigandum cruentum sacrificium in cruce. Proponebat Circumcisionem, figuram Baptismi; purificationes, figuram penitentie; Agnum paschalem, figuram Eucharistie; xenum serpenter, figuram Christi in cruce pendentes, & sic de ceteris.

Quarta utilitas, Lex Mosaicæ metu acerbissimorum poenarum Israëlitas in officio continebat, & à peccato deterrebat, sicutque rigore suo valde proderat illis, præsertim cùm propter suam crudelitatem & feritatem aliter in officio contineri non posserent. Unde Hieronymus ad illud

ad

ad Galatas 3. Lex pedagogus noster fuit in A Christo : Pedagogus (inquit) parvulis a signatur, ut lascivis refranctus etiam, & prona in virtu corda te- neantur, dum tenera in studiis eruditur infans, & ad maiores disciplinas metu pene coercuta preparatur. Itaque & lascivienti populo lex Moysis ad instar pedagogi superioris apposita est, ut custodiret eum, & futuram fidem prepararet.

§. III

Statuitur tertia conclusio, & in quo sensu lex Mo- saica impensa fuerit, breviter declaratur.

Dico tertio, licet lex Mosaica fuerit bona & utilis, tamen non fuit perfecta, sed imperfecta, non posse & sed negativa & comparativa, id est, minus perfecta, quam lex Evangelica.

Prima pars constat primò, ex eo quod lex Mosaica gratiam iustificantem, in qua perfectio & efficacia ad eternam salutem consequendar, consistit, non conserret; Joan. 1. Lex per Moysen data est, gratia & veritas per Iesum Christum facta est. Et Paulus sapientis ait iustitiam non esse ex lege, sed ex fide in Christum. Et ad Galat. 4. ejus Sacra menta vocat infirma & egena elementa, id est vacua gratia, quam tantum significabant. Et ad Hebreos 7. ait: Nihil ad perfectum adduxit lex.

Hanc rationem egregie illustrat D. Thomas hic art. 1. ubi sic discurrevit: Perfecta bonitas est in his que ad finem ordinantur, quando aliquid est tale, quod per se est sufficiens inducere ad finem; imperfectum autem bonum est, quod operatur aliquid ad hoc quod perveniat ad finem, non tamen sufficit ad hoc quod ad finem perducat: sicut medicina perfecta bona est, quae bonum sanat; imperfecta autem est, quae hominem adjuvat, sed tamen non sanare potest. Est autem scindendum, quod est aliud finis legis humanae, & aliud legis divinae: Legis enim humanae finis, est temporali tranquillitas civitatis, ad quem finem pervenit lex co- hibendo exteriores actus, quantum ad illa mala que possunt perturbare pacificum statum civitatis; finis autem legis divinae est perducere hominem ad finem felicitatis eternae, qui quidem finis impeditur per quodcumque peccatum, & non solum per actus exteriores, sed etiam per interiores; & ideo illud quod sufficit ad perfectionem legis humanae (et scilicet peccata prohibeat, & penam apponat) non sufficit ad perfectionem legis divinae, sed oportet quod bonum totaliter faciat idoneum ad participationem felicitatis eternae, quod quidem fieri non potest, nisi per gratiam spiritus sancti, per quam diffunditur charitas in cordibus nostris, que legem adimpleret; Gratia enim Dei, vita eterna, ut dicitur Roman. 6. Hanc autem gratiam lex vetus conferre non potuit, reservabatur enim hoc Christo, quia dicitur Joan. 1. Lex per Moysen data est, gratia & veritas per Iesum Christum facta est; & inde est quod lex vetus bona quidem est, sed imperfecta, secundum illud Hebr. 7. Nihil ad perfectum adduxit lex.

Secunda etiam pars conclusionis ab eodem S. Doctore supra quæst. 91. art. 5. in corp. sic declaratur & probatur: Attenditur perfectio & imperfectio legis, secundum tria que ad legem pertinent, Primo enim ad legem pertinent, ut ordinetur ad bonum commune sicut ad finem. Quod quidem potest esse duplex, scilicet bonum sensibile & terrenum; & ad tale bonum ordinabatur directe lex vetus, unde statim Exodi 3. in principio legis invitatur populus ad Regnum terrenum Chanaeorum. Et iterum bonum intelligibile & celeste, & ad hoc ordinat lex nova, unde

statim Christus ad Regnum cœlorum in sua predicatione principio invitavit, dicens paucitatem agite, ap- propinquavit enim regnum cœlorum, Matth. 4. Et ideo Augustinus dicit q. contra Faustum, quod tempo- ralium rerum promissiones in Testamento veteri con- continentur, & ideo vetus appellatur, sed eterna vita pro- missio ad novum pertinet Testamentum. Secundo ad legem pertinet dirigere humanas actus secundum or- dinem iustitiae, in quo etiam superabundat lex nova legi veteri, interiores actus animi ordinando, secun- dum illud Matth. 5. Nisi abundaverit iustitia restra plusquam Scribarum & Phariseorum, non intrabit regnum cœlorum, & ideo dicitur, quod lex vetus co- hibet manum, lex nova animum. Tertio ad legem per- tinet inducere homines ad observantias mandatorum, & hoc quidem lex vetus faciebat timore penarum: Lex autem nova facit hoc per amorem, qui in cordibus nostris infunditur per gratiam Christi, que in lege no- va confertur, sed in lege veteri figurabatur 3. & ideo dicit Augustinus contra Adamantium Manichei Disci- pulum, quod brevis differentia legis & Evangelij, timor & amor.

Plura alia sunt in quibus lex nova veterem 21. superat, & lex Mosaica Evangelicæ inferior est. In primis enim lex Mosaica fuit imperfectior Evangelicæ, ex parte causa efficientis, nam licet utraque Deum Authorem habuerit, tamen lex vetus per Moysen, nova per Christum Deum & hominem data est; juxta illud Joan. 1. Lex per Moysen data est, gratia & veritas per Iesum Christum facta est.

Secundò fuit etiam imperfectior lex Mosaica, ex parte eorum quibus tradita fuit; nam lex nova lata est pro omnibus hominibus, & orbe universo, juxta illud Christi Matth. ultimo. Eentes docete omnes gentes, &c. At Mosaica soli populo Iudeorum lata est, ut docet D. Thomas hic quæst. 98. art. 4. & patet ex ejus proœmio Exodi 20. Ego sum Dominus Deus tuus qui eduxi te de terra Ægypti, &c.

Tertiò lex Mosaica fuit imperfectior ratio 23. ne durationis, nam lata fuit ad tempus, usque ad Christi adventum, juxta illud Apostoli ad Galat. 3. Lex propter transgressionem postea est, donec ve- niret semen: Id est, lex Moysis lata est, ut trans- gressiones & peccata cohiberent, donec Christus Abrahæ semen veniret. Lex autem Evangelica in perpetuum, usque ad mundi consummationem, duratura est, juxta illud Christi Matth. 26. Hic est Calix Sanguinis mei, novi & eterni Testamen- ti. Ubi novum Testamentum, eternum appellatur, quia nullum unquam tempore antiquabitur, nullumque Testamentum illi succedit, ut docet Anselmus ad cap. 13. epistola ad Hebreos. Vel Testamentum eternum dicitur, et quod gratia charitatis, & gloria Testamentum sit, quæ tria sempiterna sunt. Unde Cajetanus ad Hebreos 8. Testamentum (inquit) novum, manet in eternum, eterna enim est gratia, quæ hic inchoatur, & in patria consummatur, semper novos reddens eos in quibus est.

Quarto, lex Mosaica fuit etiam imperfectior 24. ratione materiæ, nam ultra præcepta moralia juris naturalis, continebat alia plurima ceremonia & judicialia, quæ difficillimum erat ob- servare. Propter quod Petrus Act. 15. dicebat: Quid tentatus imponere iugum super cervices Disci- pulorum, quod neque Patres nostri, neque nos portare potuimus? Lex autem Evangelica pauca habet, præter moralia, vi legis naturalis necessaria. Unde Augustinus epist. 118. Levi iugo suo Christus nos subdidit, & sarcinælevi. Sacramentis numero

pauclissimis, observatu facillimis, significacione praestantissimis, societatem novi populi colligavit. Nec obstat quod in lege Evangelica sint aliqua præcepta difficultia, ut præceptum de unitate & indissolubilitate matrimonii, de necessitate confessionis, & similia; illa enim propter abundantiam gratiæ, quæ à Christo in lege nova conferatur, redduntur facilia, juxta illud Isaæ 10. In die illa auferetur onus eius de humero tuo, & jugum ejus de collo tuo, & computrescat jugum a facie olei.

25. Quintò lex Mosaica fuit imperfectior ex parte modiquo data est, fuit nam descripsa in lapidibus, ministerio Angelorum. At lex nova fuit scripta in cordibus & mentibus hominum, per ipsum Dei hominis verbum, cooperante Spiritu Sancto, per abundantiam gratiæ & illuminationis. De quo fufius sequenti art. 2.

ARTICULUS II.

An lex veteris fuerit à Deo data, & ubi, ac quomodo tradita fuerit?

26. Scilicet Manichæi, ut suprà diximus, negarunt legem Mosaicam fuisse bonam, sic etiam consequenter affirmarunt, non à Deo, sed à Diabolo data esse, ut refert Augustinus in lib. de hæresibus cap. 46. ubi ponit hoc eorum dogma: Deum, qui legem per Moysen dedit, & in Hebreis Prophetis locutus est, non esse verum Deum, sed unum ex principibus tenebrarum. Similiter Ptolomeus apud Epiphanius hæresi 33. allerebat Mosiacam legem datam fuisse à tribus, quorum nullus esset verus Deus, nempe partim à mundi opifice, quem Deum esse nolebat, sed numen quoddam secundarium; partim à Moysi, & partim à senioribus populi Iudaicæ.

27. Ex Catholicis vero Origenes homil. 16. in Numer. Hieronymus in cap. 19. Matthæi, circa illa verba: *Ad durioriem cordis vestri permisit vobis Moyses*, Hugo Cardinalis, & Beda ibidem, existimat, legem Mosiacam, comprehensam in Exodus, Levitico, Numeris, & Deuteronomio, esse quidem majori ex parte à Deo ipso traditam; veruntamen aliqua ejus præcepta fuisse lata à Moysi, ex propria ejus autoritate, proprioque arbitrio; cuiusmodi fuisse putant legem de libello repudi. Item Alphonsus Salmeron disp. 61. & 62. in Acta Apostolorum, docet legem Mosiacam, quæ parte continet præcepta ceremonialia & judicialia, non habere Authorem Deum, sed Moysen, qui ejus non solum promulgator, quoadhanc partem, sed & propriè author fuerit.

Demum aliqui sancti Patres, quos refert Baradas lib. 1. de prerogativis novi testamenti cap. 15. censent legem Mosiacam non fuisse datum à Deo Moyse, ministerio Angelorum, sed ab ipso Verbo divino, in aëro corpore viro, Moyli immediatè traditam. Quod etiam innuere videtur Ecclesia in una & sepius Antiphonis, quas ante natale Domini cantat in vesperis, in qua sic ait: *O Adonai, & dux domus Israel, qui Moysi in igne flammæ rubi apparisti, & ei in Sina legem dedisti, veni ad redimendum nos in brachio extento*. Ut hæretorum error refellatur, & vera ac communis sententia declaretur, sit

S. I.

Prima pars quesiti resolvitur, & ostenditur legem veterem fuisse à Deo data, & omnia illius præcepta fuisse à Deo instituta.

Dico primò, legem veterem fuisse datam à Deo.

Conclusio est certa de fide, ac definita in Tri-

dente fess. 4. decreto de Canonicis scripturis,

ubi sic dicitur: *Omnes libros tam veteris quam novi*

testamenti, cum utrinque unus Deus sit auctor, Ecclesia Catholica, pari pietatis affectu ac reverentia, suscipit & veneratur.

Colligitur etiam aperte ex Scriptura, nam Christus Matth. 15. loquens de

lege Mosaica, appellat eam mandatum Dei,

cum ait: Irritum fecisti mandatum Dei, propter

traditiones vestras. Et Apostolus tamen affirmat,

Patrem Christi fuisse authorem veteris testamen-

ti, ut ad Romanos 1. & Hebreos 1.

Ratio etiam suffragatur, nam ut discurrit D.

Thomas hic art. 2. Eiusdem est proponere si-

nam, & disponere media ad finem: Sed lex

Evangelica est finis legis Mosiacæ, juxta illud

Apostoli ad Rom. 10. *Finis legis Christus*: Ergo

idem Deus, qui est author legis Evangelicæ, est

etiam author legis Mosiacæ.

Dices: *Opera Dei sunt perfecta*, ut dicitur 30.

Deuteronom. 32. At lex Mosaicæ non est perfecta,

ut articulo precedenti diximus: Ergo Deus non

est author illius.

C Respondeo quod licet lex Mosaicæ non sit

absolutè perfecta, quia deest illi aliquid quod

habet lex Evangelica, nempe virtus & efficacia

justificandi, & perducendi ad regnum cœlorum,

est tamen perfecta in suo genere; quia cum ex

suo genere debeat esse umbra seu figura legis

Evangelicæ, in eo genere nihil illi deest. Ita D.

Thomas hic art. 2. ad 1. ubi sic ait: *Nihil prohibet aliquid non esse perfectum simpliciter, quod tamen*

est perfectum secundum tempus; sicut dicitur aliquis

puer perfectus non simpliciter, sed secundum temporis

conditionem: ita etiam præcepta que pueris dantur,

sunt quidem perfecta secundum conditionem eorum

qui pueris dantur, et si non sunt perfecta simpliciter; &

talia fuerunt præcepta legis, unde Apostolus dicit ad Galat. 3. Lex padagius noster fuit in Christo.

Dico secundo, omnia mandata, quæ sunt scrip-

ta in veteri lege, fuisse à Deo instituta, nec ul-

lum à Moysi propriè authoritate esse datum.

Probatur primò ex capite 20. Exodi versu 1.

ubilex Mosaicæ incipit trahi his verbis: *Locutusque est Dominus cunctos sermones hos, Ego sum Do-*

minus Deus tuus, qui eduxi te de terra Egypti, de domo servitutis: non habebus Deos alienos coram me, non

facies tibi sculptile, &c. Deinceps vero traduntur

sub eodem tenore verborum omnia legis illius

præcepta, sive moralia, & ad Decalogum perti-

nentia, sive ceremonialia, & judicialia, repeten-

do subinde, & inculcando sèpius verba illa: Hac

dicit Dominus, aut: Locutus est Dominus ad Moysen

dicens, & Nam cap. 2. 1. versu 1. ubi præcepta ju-

dicialia trahi incipiunt, Deus si Moysi loqui-

tur: Hac sunt iudicia quæ propones eis: si emeris ser-

vum Hebreum, sex annos servier tibi, &c. Et cap. 2. 2.

versu 2. in quo de præceptis ceremonialibus ag-

gitur, sic dicitur: Locutusque est Dominus ad Moysen

dicens: Loquere filii Israel, ut tollant mihi pri-

mitias. Ex quibus patet, non esse admittendam

distin-